

**ՎՊՀ ՔՈԼԵՋԻ ՏՆՕՐԵՆԻ**  
**2018-2019 ՈՒՍՏԱՐՎԱ ՏԱՐԵԿԱՆ**  
**ԱՇԽԱՏԱՆՔԱՅԻՆ ՀԱՇՎԵՏՎՈՒԹՅՈՒՆ**

Հաշվետու տարվա ընթացքում առկա ուսուցմամբ ընդունելություն է կատարվել 4 կրթական ծրագրերով.

«Գործավարություն՝ օտար լեզվի խորացված իմացությամբ» (9-ամյա կրթության հիմքով 4 տարի տևողությամբ)

«Հաշվողական տեխնիկայի և ավտոմատացված համակարգերի ծրագրային ապահովում» (9-ամյա կրթության հիմքով 4 տարի տևողությամբ)

«Մպասարկման կազմակերպում» (12-ամյա կրթության հիմքով 2 տարի տևողությամբ)

«Հաշվապահական հաշվառում» (9-ամյա կրթության հիմքով 3 տարի տևողությամբ):

Ընդունվել է թվով 49 ուսանող, որից 45 ուսանող՝ 9-ամյա կրթության հիմքով, իսկ 4 ուսանող՝ 12-ամյա կրթության հիմքով: Ունեցել ենք մեկ դիմորդ սփյուռքից:

Հաշվետու տարվա ընթացքում թողարկվել են «Թարգմանություն և գործավարություն» մասնագիտության թվով 19 շրջանավարտներ՝ հետևյալ առաջադիմությամբ.

h/h	ԱՌԱՐԿԱՆ	«5»	«4»	«3»	«2»
1.	Համակարգչային գործավարություն	8	3	8	-
2.	Եռալեզու թարգմանություն	8	5	6	-

«Հաշվողական տեխնիկայի և ավտոմատացված համակարգերի ծրագրային ապահովում» մասնագիտությամբ՝ 9 շրջանավարտներ՝ հետևյալ առաջադիմությամբ.

h/h	ԱՌԱՐԿԱՆ	«5»	«4»	«3»	«2»
1.	Համալիր քննություն մասնագիտական բլոկից	4	2	3	-
2.	Համալիր քննություն հատուկ մասնագիտական բլոկից	4	3	2	-

«Հաշվապահական հաշվառում» մասնագիտությամբ՝ 3 շրջանավարտներ՝ հետևյալ առաջադիմությամբ.


h/h	ԱՌԱՐԿԱՆ	«5»	«4»	«3»	«2»
1.	Համալիր քննություն մասնագիտական բլոկից	1	1	1	-
2.	Համալիր քննություն հատուկ մասնագիտական բլոկից	1	1	1	-

Պետական ամփոփիչ ստուգումները, որոնք կազմակերպված էին բարձր մակարդակով, անցկացվել են սահմանված կանոնակարգի համաձայն: Հանձնաժողովի նախագահը և անդամները հայտնել են իրենց գոհունակությունը ուսանողների դրսևորած բարձր գիտելիքների և հմտությունների վերաբերյալ:



Գերազանցության դիպլոմ են ստացել «Թարգմանություն և գործավարություն» մասնագիտության 4 և «Հաշվողական տեխնիկայի և ավտոմատացված համակարգերի ծրագրային ապահովում» մասնագիտության 2 շրջանավարտներ:


«Թարգմանություն և գործավարություն» մասնագիտության 4 շրջանավարտներ կրթությունը շարունակում են Վ. Բոյուսովի անվան համալսարանի «Անգլերեն լեզու և գրականություն» մասնագիտության երկրորդ կուրսում, 1 շրջանավարտ՝ ՎՊՀ-ի «Անգլերեն լեզու և գրականություն» մասնագիտության երկրորդ կուրսում, իսկ «Հաշվողական տեխնիկայի և ավտոմատացված համակարգերի ծրագրային ապահովում» մասնագիտության շրջանավարտներից ոչ մեկը կրթությունը չի շարունակել: «Թարգմանություն և գործավարություն» մասնագիտության 5 շրջանավարտներ կրթությունը շարունակում են ՎՊՀ-ի տարբեր մասնագիտություններում, 2-ը՝ Մխիթար Գոշ համալսարանում, 1-ը՝ Երևանի պետական համալսարանում: «Թարգմանություն և գործավարություն» մասնագիտության 1 շրջանավարտ աշխատում է «Հայ- թեք» ընկերությունում:

Ուսանողների թիվը.



Քոլեջի 155 ուսանողներից 5-ը սովորում են վճարովի համակարգում, իսկ 150-ը՝ անվճար համակարգում: Անվճար սովորող ուսանողներից 97-ը ստանում են կրթաթոշակ:





Քոլեջում ուսումնական գործընթացը ճիշտ կազմակերպելու նպատակով մշտապես գործում են ներքոհիշյալ հանձնաժողովները.

- որակի ապահովման
- բուհ-դպրոց կապի ապահովման
- մրցութային հանձնաժողով
- ֆինանսական հանձնաժողով
- մանկավարժական խորհուրդ
- ուսանողական խորհուրդ
- արհկոմ
- մեթոդիավորման խորհուրդ՝ բաղկացած 2 հոսքից (հումանիտար և բնագիտական):

Պրակտիկաները արդյունավետ անցկացնելու նպատակով կնքվել են փոխհամաձայնության նոր հուշագրեր «Ջավախք 3» ՍՊԸ-ի, «Հովիկ Ոսկանյան» ԱԶ-ի, «Աննա Մարդարյան» ԱԶ-ի, «ԱԲԿԱՏ» ՍՊԸ-ի, «ՆԵՄՐՈՒԹ» ՍՊԸ-ի, «Միլ ինշուրանս» ՓԲԸ-ի հետ: Նախատեսվում է ընդլայնել պրակտիկաների անցկացման աշխարհագրությունը, վերանայել պրակտիկաների կազմակերպման և պաշտպանության կարգը:

Կազմակերպվել են մի շարք միջոցառումներ՝ «Տուրիստական քարտեզ», «Գործարար հարաբերություններ», «Հայաստանը ռուս գրողների աչքերով», «Շնորհակալության տոն», «Фразеологические единицы русского языка», «Կոմիտաս», «Էկոլոգիական դաստիարակություն», «Անկախ Հայաստան» թեմաներով, ինչպես նաև՝ սպորտլանդիա, քոլեջի ուսանողների ստեղծագործական աշխատանքների նկարչական ցուցահանդես, այց մանկատուն:

Մույն թվականի հոկտեմբեր ամսին քուլեջի «Հաշվողական տեխնիկայի և ավտոմատացված համակարգերի ծրագրային ապահովում» մասնագիտության ուսանողները այցելել են Լոռու մարզի Դեբեդ համայնքի «ՔՈԱՖ ՄՄԱԲ» կենտրոն, ծանոթացել վերջինիս գործունեությանն ու մասնագետների գործառույթներին:

Առաջին անգամ քուլեջի և համալսարանի «Լրագրություն» բաժնի ուսանողների միջև կազմակերպվել են թոք-շոուներ՝ «Ծխախոտի վնասակար ազդեցությունը», «Պլաստիկ վիրահատություն» թեմաներով:

Հաշվետու տարվա նոյեմբեր ամսին քուլեջի «Գործավարություն՝ օտար լեզվի խորացված իմացությամբ» մասնագիտության 3-րդ և 2-րդ կուրսերի ուսանողները մասնակցել են «Խաչվող ուղիներ» ՍՀԿ-ի և «Հայկական կարմիր խաչ» ընկերության կողմից կազմակերպվող սեմինարներին:

Դեկտեմբերի 5-ին (արդեն երկրորդ անգամ) քուլեջում կայացել է ՈԻԳԸ-ի կողմից կազմակերպված գիտաժողով, որին մասնակցել են Ալավերդու և Ստեփանավանի պետական քուլեջները: Սպիտակի պետական քուլեջի հետ կազմակերպվել են մի շարք միջքուլեջային մերձեցման միջոցառումներ:

Քուլեջն այս տարի մասնակցություն է ունեցել նաև կենսաբանաքիմիական ֆակուլտետի ՈԻԳԸ-ի կողմից կազմակերպված ընթերցումներին՝ «Երաժշտության ազդեցությունը ուսանողների առաջադիմության վրա» թեմայով:

«Գործավարություն՝ օտար լեզվի խորացված իմացությամբ» մասնագիտության 3-րդ կուրսի ուսանողուհի Դիանա Միտիչյանը քուլեջի դասախոս Ս. Թեմուրյանի հետ մասնակցել է Հանքավանում կազմակերպված «Ստեղծարար անգլերեն» ամառային դպրոցի դասընթացներին: Կազմակերպվել է հանդիպում ամերիկացի կամավոր Լիզ Բարոնի և քուլեջի ուսանողների միջև:

Քուլեջ-ուսանող կապն ամրապնդելու համար հանդիպում է կազմակերպվել նաև շրջանավարտների հետ:

Քուլեջում առաջին անգամ կազմակերպվել է ամառային ճամբար, որին մասնակցել են մոտ 40 երեխաներ: Քուլեջի անգլերենի և ռուսաց լեզվի մասնագետները նպաստել են մասնակիցների մոտ անգլերեն և ռուսերեն բանավոր խոսքի զարգացմանը:

Հաշվետու տարվա ընթացքում փոփոխված կրթական չափորոշիչների հիման վրա վերանայվել են առկա ուսուցման համակարգի ուսումնական պլանները, առարկայական ծրագրերը, մոդուլների ուսումնառության պլանները, ուսումնառության նյութերը, կատարման չափանիշները, գնահատման մեթոդները:

ՄԿՈԻԶՄԿ-ի կողմից իրականացվել է «Ձեռներեցություն» մոդուլի հետ կապված վերապատրաստում, որին մասնակցել են քուլեջի 3 դասախոսներ:

Պարբերաբար կատարվել են դասալսումներ. դասալսումներ են անցկացվել հատկապես երիտասարդ դասախոսների մոտ՝ մեթոդական, կազմակերպչական օգնություն ցույց տալու նպատակով: Դասալսումների վերաբերյալ դիտողություններն ու առաջարկությունները գրանցվել են համապատասխան գրանցամատյանում:

Հաշվետու տարվա ընթացքում մասնակցել ենք բուհ-դպրոց կապի ամրապնդման աշխատանքներին:

Առաջիկայում նախատեսվում է ձեռք բերել «Սոցիալական աշխատանք», «Անօրգանական նյութերի քիմիական տեխնոլոգիա», «Ֆիզիկական կուլտուրա և սպորտ» մասնագիտությունների լիցենզիաները:

Քոլեջի տնօրեն՝

Ա.Բ.Լոքյան